

Священномученик Павлин (Крошечкин), архиепископ Могилевский

На малей вечерни

На Гóсподи, воззвах: стихіры на 4, глас 1.

Подóбен: Небéсных чинóв:

Смирén, незлóбив, крóток и прост быв,/ священномúчениче Павли́не,/ я́ко а́нгел, на землі пожіл еси/ и, мучéнием путь сконча́в,/ зéмлю крóтких насле́довал еси́./ Моли́ о душа́х наших.

Вéрою и благоче́стием/ от ма́терних пелén обогати́лся еси́/ и, Христа́ всем сердцем возлюби́в,/ в Сарóвскую пúстынь всели́лся еси́,/ идеже, усердно подвизаяся,/ сама́го себе́ со всяким смире́нием ста́рцем подклони́л еси́./ Сего́ ра́ди ты, святе Павли́не, ублажа́ем.

Во времена́ гонéний лю́тых в земли нашей/ яви́ ты Госпо́дь, предивне Павли́не,/ свети́льника пресветлаго,/ благоче́стием сия́юща/ и любóвию ча́да церко́вная согрева́юща./ Сего́ ра́ди ты прославля́ем.

Твоемú добродетельному жити́ю,/ Павли́не досточудне,/ а́нгели удиви́шася,/ в телеси́ бо сый,/ безплóтным подража́ти потща́лся еси́/ и, ум твой ко Христу́ возвы́сив,/ премúдрость божéственную измлада возлюбил еси́./ Сего́ ра́ди ты почита́ем.

Слава, глас 5.

Подóбен: Ра́дуйся:

Уподо́бился еси́, Павли́не священномúчениче,/ преподо́бным и богоносным отце́м/ Серафиму́ в Дивее́е дивному́/ и Феодо́сию в Киеве достохва́льному,/ от ю́ности бо твоея́ и́го благое на ра́мена взем,/ любóвию Христо́вою распали́лся еси́/ и, я́ко звезда́, на твёрди церко́вней во дни гонéния безбо́жнаго просия́л еси́,/ ве́рныя на путь спасéния наста́вляя/ и во благочестии утвержда́я./ Последи же, от беззако́нник приим непра́ведное убиéние,/ себе́ сама́го в жертву живую́ принесл еси́./ Ны́не же, предстоя́ престóлу Ца́ря Небéснаго,/ моли́ спасти́ся душа́м нашим.

И ныне, Богородичен, глас тойже:

Обрадованная, ходатайствуй Твоими молитвами/ и испроси душам нашим множество щедрот/ и очищение многих прегрешений, молимся.

На стиховне стихиры, глас 6.

Подобен: Тридневен:

Образ Христова милосердия пастве твоей явил еси,/ Павлине досточудне,/ сирых и вдовиц быв заступник,/ ныне же во светлостех святых и нас помяни,/ чтущих с любовью память твою.

Стих: Священники Твой облекутся в правду/ и преподобнии Твои возрадуются.

Образ злострадания и терпения показал еси,/ Павлине терпеливодушне,/ и, яко твердый свидетель истины,/ поругания, изгнания и нуждную смерть претерпел еси./ Моли о душах наших.

Стих: Честна пред Господом/ смерть преподобных Его.

Образом Креста Животворящего/ сердце твое утвердив,/ богомудре Павлине,/ к страданием мужески вдался еси,/ темже дерзновение улучив ко Господу,/ моли спастися душам нашим.

Слава, глас и подобен тойже:

Образ был еси своему стаду,/ священномучениче Павлине,/ словом, житием, любовью, духом, верою, чистотою,/ сего ради, имя доброго пастыря стяжав,/ Христа Пастыреначальника моли о нас,/ память твою верно совершающих.

И ныне, Богородичен, глас и подобен тойже:

Образ Твой святой почитаем,/ Богородице Дево Пречистая,/ и Божественному Младенцу,/ во объятиих Твоих сущу, поклоняемся,/ моляще о спасении душ наших.

Тропарь писан на велицей вечерни

На велицей вечерни

Блажен муж: 1-й антифон. На Господи, воззвах: стихиры, глас 6.

Подобен: Все отложше:

Иже хощет по Мне ити, глаголет Христос, / да возмет Крест и Мне да последствует, / ты же, священномучениче Павлине, / от юности его благое на рамена взем, / мира отверглся еси, / темже, по достоянию святительства саном почтен быв, / Церкви Русской во времена гонения безбожного послужил еси / и венцем мучения украсился еси. / Сего ради ты прославляем.

Твоих добродетелей, отче Павлине, / память ныне верных сердца веселит, / ты бо, в безмерном смирении нищетой обогатився, / многими подвиги просиял еси / и, Христа всем сердцем возлюбив, / истинный пастырь Бога Вышнего явился еси, / темже, святительства одеждою по достоянию украшен, / кровию мучения сию обогрел еси. / Моли о душах наших.

Егда божественное рачение найде на ты, богомудре, / тогда плотское мудрование духу покорил еси / и, во обитель Саровскую вселився, / многия труды понесл еси, / дарами же духовными украсився, / яко светильник пресветлый на свещнице церковнем поставлен был еси / и, во святительстве досточестно пожив, / мучением путь скончал еси. / Моли спастися душам нашим.

Люты скорби, но сладок рай, / болезненны труды, но блаженно восприятие, / сие глаголал еси, терпеливодушне Павлине, / егда от места на место от беззаконных гоним бывае / и паствы твоея разлучашеся, / темже, и в холодной земли Сибирстей путь твой скончав, / убиение от неправедных приял еси, / обаче теплоту блаженства вечного обрел еси. / Моли и нам чертога Христова сподобиться.

Слава, глас 8:

Радуйся, пустынь Саровская благознаменитая, / радуйтесь, пределы Костромския и Ярославския, / радуйся, Москво первопрестольная и честная обитель Новоспасская, / яко воспитали есте гражданина Царства Небесного, / нового священномученика, блаженного Павлина, / мужа избранна и совершенна, / иже, любовью, премудростию и благочестием просияв, / подвиги

своими Церковь Русскую украсил есть./ Темже, вернии, с любовию тому возопиим:/ óтче всеблаженне, моли́ся о нас,/ всечестнóую твою пáмять соверша́ющих.

И ны́не, Богорóдичен, глас то́йже: Царь Небéсный:

Вход. Прокíмен дне. И чтéния.

Де́яний святы́х апóстол чтéние (глава́ 4; 1-12):

Во дни о́ны, глаго́лющим же апóстомом к лю́дем,/ наидóша на нѣх свящѣнницы и воевóда церкóвный, и саддукѣи,/ жáляще си, за éже учѣти им лю́ди и возвещáти о Иисúсе воскресѣние мѣртвых;/ и возложѣша на них рúки и положѣша их в соблюдѣние до úтрия:/ бе бо вѣчер ужé./ Мнóзи же от слýшавших слóво вѣроваша:/ и бысть числó мужѣй я́ко тýсящ пýть./ Бысть же наúтрие собрáтися князѣм их, и стáрцем, и кнѣжником во Иерусали́м:/ и Áнне архиерѣю, и Каиáфе, и Иоáнну, и Алексáндру,/ и елѣицы бѣша от рóда архиерѣйска./ И, постáвльше их посреде́, вопроша́ху:/ ко́ею сѣлою, или́ ко́им и́менем сотвори́сте сѣе вы?/ Тогда́ Петр, исполнѣвся Дýха Свя́та, рече́ к ним:/ кня́зи лю́дстии и стáрцы Изра́илевы,/ áще мы днесъ истязу́еми есмы́ о благоде́янии челове́ка нѣмощна,/ о чесóм сей спасѣся,/ разúмно бýди всем вам и всем лю́дем Изра́иловым,/ я́ко во и́мя Иисúса Христá Назорѣя,/ Егóже вы распýсте,/ Егóже Бог воскресѣ от мѣртвых,/ о Сем сей стоѣт пред ва́ми здрав./ Сей есть Ка́мень, укорѣнный от вас, зѣждущих,/ бѣвый во главú úгла,/ и несть ни о едѣном же инóм спасѣния;/ несть бо инóго Имене под небесѣм, дáннаго в челове́цех,/ о нѣмже подобáет спастѣся нам.

Де́яний святы́х апóстол чтéние (глава́ 4; 13-22):

Во дни о́ны, вѣдяще иудѣи Петро́во дерзновѣние и Иоáнново и разумѣвше,/ я́ко челове́ка некнѣжна еста́ и прóста, дивля́хуся,/ зна́ху же их, я́ко со Иисúсом бѣста;/ вѣдяще же исцелѣвшаго челове́ка с нѣма стоя́ща,/ ничтóже имя́ху протѣиву рещѣ./ Повелѣвше же и́ма вон из сóнмища изы́ти,/ стязáхуся ко друг дру́гу, глаго́люще:/ что сотвори́м челове́кома сѣма?/ Я́ко úбо нарóчитое зна́мение бысть и́ма,/ всем живýщим во Иерусали́ме я́ве,/ и не мóжем

отверщіяся;/ но да не бѣе прострѣтся в людемъ,/ прещеніемъ да запретимъ ѿма кому не глаголати о Имени семъ ни единому отъ человекъ./ И призвѣвъ ихъ,/ заповѣдаша ѿма отнюдъ не провѣщавати, ниже учити о Имени Иисуса./ Петръ же и Іоаннъ, отвѣщавше къ нимъ, рече:/ аще праведно есть предъ Богомъ/ васъ послушати паче, нежели Бога?/ Судите: не можемъ бо мы, яже видѣхомъ и слышавъ, не глаголати./ Онѣ же, призапреще ѿма, пустиша я,/ ничтоже обрече, како мучити ихъ, людей ради,/ яко вси прославляху Бога о бывшемъ:/ летъ бо бѣше множае сорокъ человекъ той,/ на немъже бысть чудо сіе исцеления.

Деяній святыхъ апостолъ чтеніе (глава 4, 23-31):

Во дни оны, отпущена бывша апостола приидоста ко своимъ и возвестиста,/ елика къ нимъ архiereи и старцы реша./ Онѣ же, слышавше, единодушно воздвигоста гласъ къ Богу и рече:/ Владыко, Ты, Боже, сотворивый небо и землю и море и вся, яже въ нихъ,/ Иже уста Давида, отрока Твоего, рече:/ вскую шаташася языцы и людие поучишася тщетнымъ?/ Предсташа царие земстии,/ и князи собишася вкупѣ на Господа и на Христа Его./ Собишася бо воистину во градѣ семъ на святаго Отрока Твоего Иисуса,/ Егже помазал еси,/ Иродъ же и Понтийскій Пилатъ, съязыки и людьми израиелевыми,/ сотворити, елика рука Твоя и советъ Твой предначе быти./ И ныне, Господи, призри на прещенія ихъ/ и даждь рабѣмъ Твоимъ со всякимъ дерзновеніемъ глаголати слово Твое,/ внигда руку Твою прострѣти Ти во исцеления,/ и знаменіемъ и чудесемъ бывати Именемъ святымъ Отрока Твоего Иисуса./ И помолѣвшимся имъ, подвижеся мѣсто, идеже бяху собрани,/ и исполнишася вси Духа Свята,/ и глаголаху слово Божіе со дерзновеніемъ.

На литіи стихира храма и святаго, гласъ 2.

Подобенъ: Кѣими похвальными венцы:

Кѣими похвальными венцы/ увязѣмъ Павлина священномученика,/ монаховъ похвалу,/ святителей доброту,/ веры столпа неодолимаго,/ от юности премудрость возлюбившаго/ и во благочестіи неленостно потрудившаго?/

Сего бо воистину достойно/ безсмертныя славы венцем/ венчает Христос Бог наш,/ имеяй велию милость.

Кийми духовными песнями/ ублажим достославнаго Павлина/ страдальца твердейшаго,/ Православия поборника,/ в последние лета нам дарованнаго,/ благочестия учителя,/ покаяния проповедника,/ на путь спасения наставляющаго?/ Егоже молитвами/ врагов шатания, Христэ, низложи,/ имеяй велию милость.

Кийми песненными добротами/ воспойм Христова угодника,/ сирот питателя,/ юных наставника,/ в милосердии Небесному Отцу подражавшаго,/ кладязь любви неисчерпаемый,/ милостыни реку независтну,/ Церковь Русскую веселящую теченьми словес своих?/ Егоже молитвами и предстательством/ спаси отечество наше, Христэ Боже,/ имеяй велию милость.

Слава, глас 6:

Многи скорби претерпел еси,/ достоблаженне Павлине священномучениче,/ темже по достоянию вшел еси в Царство Небесное,/ идеже в лице новомученик Церкви Русския,/ славою Горнею озаряемь,/ почест победы твоего страдания приемлещи./ Моли спастися душам нашим.

И ныне, Богородичен, глас тойже: Богородице, Ты еси Лоза истинная:

На стиховне стихирь, глас 2.

Подобен: Егда от Древа:

Святительства престол украшая добродетельми,/ во времена лютая в земли нашей,/ богохранимому граду Курску посылаешися,/ яко мирный ангел, Павлине всечестне,/ еже кротостию и любовью людям послужити,/ чада церковная словом Божиим наставить/ и елеем милосердия духовныя язвы их исцелити./ Уврачуй и наша струпы греховныя, целителю изрядный.

Стих: Священницы Твои облечутся в правду/ и преподобнии Твои возрадуются.

Щитом веры, Павлине многострадальне,/ различная ухищрения богоборцев отразил еси/ и, темничныя узы претерпев,/ Пермския земли

архипáстырь нарéклся есѣ,/ наслéдник священнострадáльца Андронѣка быв./ Темже, пáству расточéнную/ тѣхим глáсом любвѣ собрав,/ по достоя́нию наречéние дóбраго пáстыря приéмлеши,/ и нас во едѣно стадо Христóво собери,/ молитвами твоими, священномúчениче преславне.

Стих: Честнá пред Гóсподем/ смёрть преподóбных Егó.

Спасения души взыскуя,/ вослед Христу смиренно последовал еси,/ Иже и постави тя архипáстыря гра́да Калúги,/ священномучениче Павли́не преславне,/ моли́твы чѣстое зерца́ло,/ мѣлостыни усérдный подáтелю/ и пѣний церкóвных изрýдный любѣтелю!/ Ты же, Божѣственные Тáйны всеблагóговѣйне совершая,/ вѣрныя люди со Христóм соединя́л еси/ и заблуждшыя на путь истинный наставля́л еси./ Тѣмже, ликóм небéсным совокупѣвсь,/ моли́ спастися душáм нáшим.

Слáва, глас 8:

Нището́ю духóвною обогáтивсь,/ себѣ самáго Бóгу совершéнно прѣдал есѣ,/ доброхвáльне святѣтелю Павли́не,/ и, я́ко звезда́ пресвѣтлая,/ от востóка земли́ нáшея к зáпаду достѣгл есѣ./ Обаче, на престóле Могилѣвstem добродѣтельми просия́в,/ пáки совѣтом безбóжных на востóк гонѣмь бывáше,/ идѣже в предѣлах Сибѣрских лучѣй твоѣх сия́ние зáйде./ Освятѣи и нáша дýши/ свѣтом страдáний твоѣх, достослáвне.

И ны́не, Богорóдичен, глас тóйже: Безневѣстная Дѣво:

Тропа́рь, глас 4:

От ю́ности желание к Богу возложив,/ на пажитех мона́шеских упáслся есѣ/ и, многия добродетели стяжав,/ архипáстырь словѣсных овец явился еси,/ ихже дóбре упáс,/ мнóгия скóрби от богобóрцев претерпѣл есѣ/ и, мучéнием путь скончáв,/ Царствие Небесное наследовал еси,/ священномúчениче Павли́не,/ моли́ Христа Бога/ спастѣся душáм нáшим.

Ин тропáрь, глас 2:

Вѣры Правослáвныя непорóчный блюстѣтелю/ и зáповедей Христóвых усérдный исполнѣтелю,/ священномучениче Павли́не,/ пáству твою́ дóбре

упасл еси/ и в хладней Сибири мученическую смерть приял еси./ Ныне же, в вечней славе пребывая,/ моли спастися душам нашим.

На утрени

На Бог Господь: тропарь священномученика дважды. Слава, и ныне, Богородичен.

По 1-м стихословии седален, глас 7:

Гонения лютая претерпевая, сие безбожным глагола еси, священномучениче Павлине: путь наш крестный есть, обаче страха вашего и самыя смерти не убоимся, яко Крестом уповаем достигнути Небеснаго Царствия, егоже обеща Христос всем любящим Его. **Дважды.**

Слава, и ныне, Богородичен, глас тойже:

Ныне лица новомученик со ангелы славословят Тя, Владычице, светлостей солнечных превышшую, Похвалу всея вселенныя, Слово Божие во чреве приемшую и Радость миру родившую. С нимиже и мы вопием: радуйся, спасения нашего Ходатаице.

По 2-м стихословии седален, глас 5:

Изгнания, узилища и безвестную кончину провидев, блаженне Павлине, ко Подвигоположнику Христу со упованием крепким взывал еси, да в терпении путь твой исправит, советы нечестивых разорит, Церковь же святую во благочестии сохранит. Темже моли спастися душам нашим. **Дважды.**

Слава, и ныне, Богородичен, глас тойже:

Милосердия твоего пучину кто исповест, Дево Пренепорочная, Заступнице наша и Упование, непостыдная Надежда христиан, скорбящих Радосте и всех, сущих на земли, пресветлая Добро́то? Покрый нас божественным предстательством Твоим, Пречистая Богородице, Владычице.

Величание:

Величаем тя,/ священномучениче Павлине,/ и чтим честная страдания твоя,/ яже за Христа/ претерпел еси.

Ино величание:

Величаем тя,/ священномучениче Павлине,/ и чтим честная страдания твоя,/ яже за Христа во утверждение на Руси Православия/ претерпел еси.

Псалом избранный:

Бог нам Прибежище и Сила.

Господи, воздвигни силу Твою и прииди, во еже спасти ны.

Глаголах о свидениях Твоих пред цари и не стыдяхся.

Вси языцы обыдоша мя и именем Господним противляхся им.

Тебе ради умерщвляемся весь день, вменихомся, яко овцы закления.

Крепость моя и пение мое Господь и бысть мне во спасение.

По полиелѣи седáлен, глас 8:

Егда богобóрцы, яко вóлцы лютии, на Цѣрковь Христо́ву в Ру́сстей земли́ восста́ша, тогда, священномучениче Павли́не, яко пастырь до́брый, ду́шу твою́ за о́вцы словéсныя положо́жил еси́. И ныне моли́ Христа́ Пастыреначальника, да спасёт ста́до Своё от волко́в, губя́щих ё. **Два́жды.**

Сла́ва, и ны́не, Богородичен, глас то́йже:

Безневѣстная Ма́ти, Пречи́стая Госпоже́, Де́во Богоро́дице! Моли́ся Сы́ну Твоему́ и Бо́гу нашему, да не отврати́т от нас Ли́ка Своего́, но да просвети́т серде́ца на́ша, омраче́нная страстьми́, и поми́лует нас по велицей Своей милости.

Степе́нна, 1-й антифо́н 4-го глása. Прокі́мен, глас 4: Честна́ пред Го́сподем смерть преподо́бных Его́. Стих: Что возда́м Го́сподеви о всех, яже воздаде́ ми. Вся́кое дыха́ние: Ева́нгелие от Луки́, зача́ло 67.

По 50-м псалме́ стихі́ра, глас 6:

Прииді́те, мучениколю́бцы,/ днёсь духо́вне возвесели́мся,/ па́мять соверша́юще сла́внаго Павли́на,/ но́ваго священнострада́льца,/ сей бо, зе́млю Русскую́ добродѣ́тельми просвети́в,/ яко благово́нное приноше́ние Го́сподеви возложи́лся е́сть:/ ве́ру Христо́ву пред нечесті́выми власті́тели испове́да/ и ду́шу свою́ за па́ству положи́,/ ны́не же престóлу Святы́я Тро́ицы предстои́т/ и мо́лится о душа́х на́ших.

Канон Пресвятыя Богородицы, со ирмосом на 6 и священномученика на 8,
глас 3.

Песнь 1

*Ирмос: Фараони колесницы глубиною покрыв, Господи,/ море развергл
еси/ и спас еси песньми поющими Тя/ люди израильския.*

Слова служителя и свидетеля, Павлина славного, жития красная
исправления и честная страдания подаждь ми, Слове, в песнях достойно
восхваляти.

Твоими молитвами, священномучениче, направи ум мой, многими
помыслы расточенный, да прославлю тя, многими скорбями во Царствие
Небесное вшедша.

Родителей благочестивых добрый и избранный плод явился, блаженне
Павлине, от юности всем сердцем твоим и помышлением Бога возлюбил еси.

Богородичен: Ангелов Владычице, Пресветлая Похвало и девственная
Славо! На Тя надеющиеся, присно зовем: радуйся, Невесто Невестная!

Песнь 3

Ирмос: неплодная душе и безчадная,/ стяжи плод благославный,/
веселящийся, возопий:/ утвердихся Тобою, Боже,/ несть свят, несть праведен,/
паче Тебе, Господи.

Желанием крайним влекомь, дом родительский оставити потщался еси,
боголюбче, сего ради, отрок сый, в дому Божии водворился еси, присно поя:
несть свят, несть праведен, паче Тебе, Господи.

Ангел земный и небесный человек явился еси, богомудре, темже, обители
Саровския достиг, в служение братии сам себе предал еси, радуясь и воспевая:
несть свят, несть праведен, паче Тебе, Господи.

Лукаваго козни постигоша тя, добре послушнике, ты же, на гробе
преподобнаго Серафима слезы пролив, во смирении Богу возопил еси: несть
свят, несть праведен, паче Тебе, Господи.

Богородичен: Честнѣйшую Херувѣм и славнѣйшую сущи Серафѣм, Дѣву Пречистую воспойм и Рѣждшемуся из Нея возопѣем: нѣсть свят, нѣсть праведен, паче Тебѣ, Господи.

Седáлен, глас 8:

Многими добродѣтелями обогатѣлся еси́, святе Павли́не: крѣпостию, смире́нием и любѣвию, нищелю́бием и долготерпѣнием, сѣми же, да́нный тебѣ тала́нт стори́цею умножи́в, Божѣственных Та́ин непоро́чный служи́тель яви́лся еси́, те́мже врата́ Небѣсная отверзо́шася тебѣ, и в ра́дость вшел еси́ Господа Твоего́. Егѣже моли́ и нас Ца́рствія Небѣснаго сподо́бити. **Два́жды.**

Сла́ва, и ны́не, Богородичен, глас то́йже:

Во гла́сех пѣний вопи́ем Ти, Влады́чице А́нгелов: непреста́нно моли́ся о нас, стихі́ями міра сѣго одержи́мых и грехѣм порабо́тившихся; да восста́нем от паде́нія и в пока́янии к Сы́ну Твоему́ припаде́м, вопи́юще: помяни́ нас, Господи, во Ца́рствіи Твое́м.

Пѣснь 4

Ирмо́с: *Положи́л еси́ к нам тве́рдую любѣвь, Господи:/ Единоро́днаго бо Твоего́ Сы́на/ за ны на сме́рть дал еси́./ Те́мже Ти зове́м, благода́ряще:/ сла́ва си́ле Твое́й, Господи.*

Пажити мона́шескія, я́ко пчела́ трудолю́бная облетѣ́л еси́, отче Павли́не, иде́же мед духо́вный собра́в, со́ты душі́ твоея́ ра́зумом просвѣщенным, я́ко некта́ром, испо́лнил еси́, по́я: сла́ва си́ле Твое́й, Господи.

Влады́ще Христу́ сам себѣ пре́дал еси́, Павли́не блаженне, и, да́нный ти тала́нт трудолю́бно умно́жив, во оби́телях Костромскихъ и Яросла́вскихъ до́бре пожи́л еси́, благода́рственно воспева́я: сла́ва си́ле Твое́й, Господи.

Иноческаго житія́ ревни́телю, святе Павли́не! Ты, мал нарече́н быв, ве́рен Богови пребы́л еси́, темже, и над мно́гими поста́влен, во смире́нии вели́чїе явил еси́, глаго́ля: сла́ва си́ле Твое́й, Господи.

Богородичен: Ёдина Чистая и Пречистая Мати Дёво! Молитвы наша приими и Сына Твоего умоли подати нам прегрешений прощение, непрестанно вопиющим: слава силе Твоей, Господи.

Пёснь 5

Ирмос: *К Тебё утренюю, всех Твори́у,/ преимущему всяк ум мірови,/ зане́ свет повелёния Твоя́,/ в нихже наста́ви мя.*

Новоспа́сская оби́тель вельми́ тобо́ю хва́лится, Па́влине всече́стне, ты бо в той, я́ко свети́льник на све́щнице, посреде́ сто́льнаго гра́да добродете́льми проси́ял еси́.

Му́дростию украше́н, я́ко се́диною, во младости твоей кро́ток и смире́н пребы́л еси́, достохва́льне Па́влине. Те́мже, богосло́вия учению́ навѣ́к, Прему́дрости Ипостáсней служи́тель изря́ден яви́лся еси́.

Че́стен и чист в жити́й твоём был еси́, святе Па́влине, сего́ ра́ди, свяще́нства са́ном по досто́янию украси́вся, па́стве моско́встей па́стырь до́брый яви́лся еси́ и наста́вник ю́ношам преизяще́н.

Богородичен: Ни́ктоже притека́яй к Тебе́, посра́млен от Тебе́, Дёво, исхо́дит, но про́сит заступле́ния и благода́ть прие́млет незави́стно.

Пёснь 6

Ирмос: *Возведи́ от тли мя, Го́споди Бо́же мой,/ Ио́на вопия́ше,/ и аз вопию́ Ти:/ из глубли́ны изба́ви мя, Спа́се, мно́гих мои́х зол/ и к Све́ту Твоему́, молю́ся, наста́ви.*

Челове́че Бо́жий и служи́телю ве́рный, святе Па́влине! Ты, я́ко преподо́бен, незло́бив и безскве́рнен, во́лею Бо́жиею гра́ду Ку́рску архипа́стырь посыла́ешися, да упасе́ши о́вцы словесе́сныя па́жити Христóвы.

Вме́няя вся уме́ты бы́ти, да Христа́ приобре́щещи, наипа́че же па́ству твою́ усвои́ши Христу́, трудолю́бен де́латель, отче Па́влине, яви́лся еси́, Боже́ственная соверша́я, и пропове́дуя, и моля́ся на всяк час Бо́гу.

Жаждати правды Божия не престал еси, блаженне Павлине, темже, аки елень на источники водныя, во святыя обители града Путивля притекл еси, иноческаго жития истинный любителью.

Богородичен: О, Мати Преплага́я, сла́вныя обители Гли́нския Похвало́! Молитвами Тво́ими не преста́й покрыва́ти вся ве́рныя от вра́жия навета́ и озлобле́ния.

Конда́к, глас 3:

Апо́столов наслѣднице/ и святителей украшение,/ Павлине досточудне,/ ны́не Це́рковь Ру́сская ты досто́йно воспева́ет,/ ты бо глаголы жизни вечныя небо́язненно возвеща́л еси/ и, Христа́ пред отсту́пники че́стне испове́дав,/ кро́вию тво́ею во Свята́я Святы́х вшел еси./ Моли спастися душа́м на́шим.

И́кос:

Многообра́зны по́двизи и прискорб́но жити́е твоѐ бысть, священномучениче: от юности́ бо крест на ра́мена взем, Христу́ последовал еси́, Иже, ви́дев твоѐ благо́е изволе́ние, па́стыря словес́ным овца́м ты поста́ви. Егда́ же при́иде о́гненнаго испытáния час и во́лцы лютии ста́до Христо́во обступі́ша, ты, преще́ний мучите́лей не убоя́вся, я́ко па́стырь до́брый, ду́шу за па́ству положи́л еси́. Сего́ ра́ди воспева́ем тя си́це:

Ра́дуйся, от юности́ всего́ себе Го́сподеви всеце́ло возложи́вый;

ра́дуйся, благослове́ние ма́тере твоея́ восприе́мый.

Ра́дуйся, мона́шества русскаго розго́ добропло́дная;

ра́дуйся, послуша́ния цвѣте неувяда́емый.

Ра́дуйся, премудро́сти божественны́я стяжа́телю;

ра́дуйся, просвеще́ния духо́внаго насади́телю.

Ра́дуйся, ста́да Христо́ва па́стырю до́брый;

ра́дуйся, архиере́ю всечестны́й.

Ра́дуйся, Це́ркви Ру́сстей в гонѣ́ниях послужи́вый;

ра́дуйся, за ве́ру Христо́ву да́же до кро́ве пострада́вый.

Ра́дуйся, вдов и сирот́ питáтелю;

ра́дуйся, благоче́стия ревни́телю.

Ра́дуйся, Па́влинѣ, па́стырю до́брый и му́чениче пресла́вный.

Пѣснь 7

*Ирмо́с: Тебе́, во огні́ оросі́вшаго о́троки богосло́вившия/ и в Дѣву
нетле́нну всѣльшагося,/ Бо́га Сло́ва по́йм,/ благоче́стно пою́ще:/ благослове́н
Бог оте́ц на́ших.*

Пре́щени́й богобо́рцев не убо́явсь, непрекло́нен пребы́л еси́, отче
Па́влинѣ, те́мже во узи́лище непра́ведно влеко́мь и заключа́емь, серде́м
уми́ленным вопи́ял еси́: благослове́н Бог оте́ц на́ших.

Утверди́л еси́ но́зе тво́й, терпе́ливодоу́шне Па́влине, на ка́мени за́поведей
Христо́вых, сего́ ради не убо́ялся еси́, егда́ вла́стители нече́стивии ополчи́шася
на тя, обаче глаго́лал еси́: благослове́н Бог оте́ц на́ших.

Моли́твою, пока́нием и постомъ укре́пляемь, в темни́це, а́ки в затво́ре,
пребы́л еси́ и, сию́ духо́вную наставни́цу наре́кл еси́; Крестъ же из хлѣ́ба себе
сотвори́в, со упова́нием на Не́го взирал еси́, вопи́я: благослове́н Бог оте́ц
на́ших.

Богоро́дичен: Дѣ́ву Пренепоро́чную, Всечестны́й Крестъ слеза́ми
омочи́вшую, во страда́ниих тво́их за Христа́ призва́в, свя́те Па́влинѣ, вызы́вал
еси́: благослове́нна Ты жена́х, Всенепоро́чная Влады́чице.

Пѣснь 8

*Ирмо́с: На престо́ле Херуви́мсте Носі́мага,/ свяще́нницы, по́йте,/ лю́дие,
превозно́сите во вся ве́ки.*

Любве́ твое́я, я́же ко Христу́, ни ско́рбь, ни тесно́та, ни гоне́ние, ни гладъ,
ни са́мая сме́рть, свя́те Па́влинѣ, угаси́ша. Сего́ ра́ди возглаша́л еси́:
свяще́нницы, по́йте Го́сподеви, лю́дие, превозно́сите Его́ во вся ве́ки.

Испове́даниемъ и́стиннымъ, отче Па́влинѣ, украси́л еси́ престо́л
святите́льский Пе́рмския земли́, иде́же безбо́жною руко́ю уби́ен бысть
пламенноре́вностный святите́ль Андрони́к, небо́язненно глаго́лавый:
свяще́нницы, по́йте Го́сподеви, лю́дие, превозно́сите Его́ во вся ве́ки.

Вся подаде тебе Дух Святой, Егоже действие богато во священной хиротонии приял еси, отче Павлине, темже граду Калуге, яко мирный ангел, в люта времена явился еси, верных воздвизая пети: превозносите Господа во вся веки.

Богородичен: Величия Твоя, Дево, кто исповест? Кий язык изочтет множество щедрот Твоих? Обаче, дерзаяще, во смирении глаголем: Богородицу пойте, и превозносите во вся веки.

Песнь 9

Ирмос: Тя, Неискусобрачную Богородицу, в памяти святых величаем, яко рождшую Спасение душ наших.

Павлу апостолу подобяся, коварствия беззаконных претерпел еси, святе Павлине, и от Уральских гор даже до Бѣлая Руси прошел еси, идеже нечестивых советом паки во узы заключен бысть, за еже звати тебе: Христѣ, Ты еси Спасение душ наших.

Безвестную свою кончину провидел еси, священномучениче Павлине, и гроб твой неведомъ доселе пребысть. Обаче Богу пути твоя и скончание ведомы, Емуже Единому от юности твоя служил еси, взывая: Христѣ, Ты еси Спасение душ наших.

Странен быв на земли и в хладней земли Сибирстей путь скончав, Небснаго Отечества достигл еси, блаженне Павлине, идеже вечную славу восприим, присно глаголеши: Христѣ, Ты еси спасение душ наших.

Богородичен: Тьму разорѣи страстей моих, Преблагая Владычице, к Тебѣ бо, прибегая, молюся и величаю, яко рождшую Христа, спасение душ наших.

Светилен:

Егда над отечеством нашим тма огустѣ и облацы безбожия скрѣша Солнце Правды, ты, святителю Павлине, люди русския небоязненно словом истины просвещал еси и, страдания подъем, Свѣта Невечернаго достигл еси. Низпосли лучи благодати твоя и нам, во тьме страстей сидящим.

Сла́ва, и ны́не, Богородичен:

Свѣтлая и пресвѣтлая Приснодѣво Владѣчице! Осияй нам Свет от свѣтлѣйшаго ли́ка Твоего́, да исцели́мся от недѹгов на́ших и страсте́й, и сла́вим Тя, яко всея́ твѣри Превы́шшую.

На хвалі́тех стихі́ры, глас 8.

Подобен: Что вас наречѣм:

Что ты наречѣм, Павлі́не?/ А́нгела ли, зане́ от ю́ности избра́л еси́ чи́стое жити́е?/ Христолю́бца ли, я́ко крест подъя́л еси́ на ра́мена своя?/ Во́ина ли, я́ко на мир сей и ди́авола воору́жился еси́?/ Страда́льца ли, я́ко кро́вь за Христа излия́л еси́?/ Мнóгая тво́я именá и бо́льшая дарова́ния./ Моли́ спасті́ся душáм на́шим.

Что ты, Павлі́не, возме́нуем?/ Отца́ ли преподо́бнаго, я́ко до́бре подви́зале́ся еси́?/ Сокро́вище ли Ду́ха, я́ко стяжа́л еси́ Прему́дрость?/ Свети́льника ли, я́ко просвети́л еси́ лю́ди русскія?/ Свидѣ́теля ли Ё́стины, я́ко пред безбо́жными Христа́ испове́дал еси́?/ Ны́не с новомученики Цѣ́ркве наше́я Престо́лу Бо́жию предсто́иши./ Моли́ спасті́ся душáм на́шим.

Ка́ко ты, Павлі́не, просла́вим?/ Па́стыря ли до́браго, я́ко положи́л еси́ ду́шу за о́вцы своя?/ Апосто́ла ли, я́ко благоверію па́ству учил еси?/ Служі́теля ли Та́ин Божѣ́ственных, я́ко да́нный тебѣ́ Зало́г сохрани́л еси́?/ Испове́дника ли твѣ́рда, я́ко поноше́ния и изгна́ния подъя́л еси?/ Сего́ ради блаже́нство вѣ́чное восприе́млеши./ Мо́ли спасті́ся душáм на́шим.

Ка́ко ты, Павлі́не, воспо́им?/ Чело́века ли Бо́жия, зане́ я́ко стра́нник пожи́л еси́?/ Нищелю́бца ли, я́ко вдов и сирот препита́л еси́?/ Благове́стника ли, я́ко Христа́ проповѣ́дал еси́?/ Миротво́рца ли, я́ко па́ству братолю́бию поучал еси́?/ Ны́не на Небесе́х в ли́це сыно́в Бо́жих раду́ешися./ Помина́й нас, ве́рою чту́щих всечестну́ю па́мять твою́.

Сла́ва, глас 2:

Егда́ в землі́ нашей безу́мнии гоні́телие,/ братоубі́йством и зло́бою ды́шуще,/ на Цѣ́рковь Христо́ву восста́ша,/ ты, священномучени́че Павлі́не,/

крóткими словесы́ па́ству увещáл есѣ́/ Бóга всем сѣ́рдцем возлюбѣти/ и
блѣ́жним любóвию послужѣти,/ нечестѣ́вых же совѣ́тов отбегáти/ и всяко злым
не прилеплѣ́тися./ Тѣ́мже, во изгнáние и узѣ́лища пóслан бѣ́в,/ страдáния и
нужднóу смѣ́рть претерпѣ́л есѣ́,/ ны́не же, Престóлу Бóжию предстоя́,/ мо́ли
спастѣ́ся душам нашим.

И ны́не, Богородичен, глас то́йже:

Все упováние нáше на Тя возлага́ем,/ Дѣ́во Богородѣ́тельнице,/ с
новомóченики и исповѣ́дники Церкве Русския́/ мо́ли, во еже спастѣ́ся нам.

Славослóвие вели́кое. И отпуст.

На Литургии

Блажѣ́нна от канóна, пѣ́сни 3-я и 6-я. Прокѣ́мен глас 7: Честна́ пред
Гóсподем/ смѣ́рть преподóбных Егó. **Стих: Ч**то возда́м Гóсподеви о всех, я́же
воздаде́ ми? **Апóстол ко Евре́ем, зачáло 334. Аллилу́иа, глас 2: Священни́цы**
Твой облекú́тся в прáвду/ и преподóбнии Твой возра́дуются. **Стих: Блажѣ́н муж,**
боя́йся Гóспода, в за́поведех Егó восхóщет зело́. **Евáнгелие от Иоанна, зачáло**
36. Прича́стен: В пáмять вѣ́чную бóдет прáведник:

Мо́лѣтва

О, священномóчениче Христóв Павли́не! Услы́ши слѣ́зные мо́лѣтвы и
воздыхáния наша, в сокрушѣ́нии сѣ́рдца и смиренѣ́нии дýха тебѣ́ приносѣ́мая. Се
бо беззакóнии омрачѣ́хомся, и сего́ рáди бедáми, я́ко тýчами обложѣ́хомся. Ты
же, я́ко сѣ́льный, понеси́ нѣ́мощи нáша, не отлучáйся от нас дýхом, да не
разлучѣ́мся и мы от любóве Бóжия, я́же прѣ́сно в сѣ́рдце твоѣ́м живѣ́ше. Прѣ́зри
мѣ́лостиво на люди, предстоя́щия и моля́щияся пред свято́ю ико́ною твоѣ́ю, и
прошѣ́ния коегóждо, я́же ко спасѣ́нию, испóлни. Вѣ́руем бо, я́ко ты, за Цѣ́рковь
Христóву во отѣ́честве нáшем пострада́вый, вѣ́лие дерзновѣ́ние ймаши ко
Гóподу. Умо́ли блага́ость Егó, да укрепѣ́т ны в единомýслии, наипáче же в
непоколебѣ́мом исповѣ́дании Христá Иисýса, Сýна Бóжия, во плóти
пришѣ́дшаго, распѣ́тие и смѣ́рть претерпѣ́вшаго, погребѣ́ннаго и воскрѣ́сшаго,
ко Отцý возше́дшаго и паки грядú́щаго со слáвою судѣ́ти живýм и мѣ́ртвым.

Мо́лим тя, свя́те: предста́тельствуй пред Бо́гом за ны и за вся правосла́вныя христиа́ны, да соблюде́т Госпо́дь землю Русскую в ми́ре и благоде́нствии, архипа́стырем и па́стырем пода́ст духо́вное трезве́ние и ре́вность о спасе́нии вруче́нныя им па́сты, правите́лем – суд и пра́вду, и всем нам – братолю́бие и любóвь.

О, ми́лостиве страда́льче! Испроси́ у Бо́га Ми́лостиваго боля́щим исцеле́ние, скорбя́щим утеше́ние, оби́димым заступле́ние, оби́дящим ми́рное устро́ение. Да, тво́ею по́мощию спаса́еми, восхва́лим вси Подвигополо́жника Христа́, Ему́же подоба́ет всякая сла́ва, честь и поклонё́ние со Безнача́льным Его́ Отце́м и Всесвяты́м, Благо́м и Животворя́щим Его́ Ду́хом, ны́не и при́сно и во ве́ки веко́в. **Ами́нь.**